

ՀԱՅԱՉԳԻ ԺԱՆ ԱԼԹԵՆԸ՝ ՖՐԱՆՍԻԱՅՈՒՄ ԲԱՄԲԱԿԻ ԵՎ ՏՈՐՈՆԻ  
ՄՇԱԿՈՒԹՅԱՆ ԱՌԱՋՆԵԿ

ԱՆՐԻ ՄԻՇԵԼ (ՄՈՆՊԵԼՅԵ)

XVIII դարում Լանդրդոկը դայթակղել է մի Հայի, որն անվիճելիորեն իր տեղն ունի Լուսավորության դարի Հայ վաճառականների պատկերասրահում:

Առեղծվածային ծագում, միմյանց Հաջորդող ծրագրեր, որոնք նույնքան դրավիչ են իրենց մտահղացմամբ, որքան ձախողակ իրենց իրագործման մեջ, և էպիզոդիկ ծանոթություններ ազնվատոհմիկ աստիճանավորների հետ, ինչը, շատ հաճախ, չի խանդարում, որ վախճանը կիսով չափ անհայտ լինի: Ժան Ալթենի կյանքը զերծ չի մնացել այն տրաֆարետներից, որոնք «սնուցել են» XVIII դարի բազմաթիվ վեպեր, չնայած նրան, որ այն ուղեկցվել է իրական ջանքերով՝ Լանդրդոկ ներմուծելու համար բամբակի մշակությունը և Պրովանս կամ Ավինյոնի կոմսություն ներմուծելու տորոնի մշակությունը, ինչն ավելի լավ է Հաջողվել:

Ժան Ալթենը ծնվել է 1709 թ. Հայաստանում, որտեղ նա, ըստ նրա կենսագիրների, դերի էր վերցվել պարսիկների կամ թուրքերի կողմից: Դոմինիկյան վանականների օգնությամբ ազատվելով դերությունից, նա Աարսել է հասել Ֆրանսիայի թաղավորին պատկանող մի նավով, Մարկիզ դ'Անտենի հովանավորության շնորհիվ: Նա այստեղ է հասել 1733-ին կամ 1739-ին<sup>1</sup>: Մեկ կամ մյուս տարեթվի ճշտությունը ոչնչով չի հավաստվում, եթե ի նկատի ունենանք այն, որ Լանդրդոկի կառավարչի պահանջով կատարված առաջին հարցումը ի հայտ չի բերել նրա՝ Մարսելով անցած լինելու որևէ հետք<sup>2</sup>: Հավանաբար նա այստեղ ամուսնացել է (1741-ին): Կասկածից դուրս է, որ նա այդ ժամանակ, առանց հապաղելու, ձգտել է ֆինանսների ընդհանուր վերահսկողության աշխատակիցների ուղադրությունը հրավիրել բամբակի մշակության ասպարեզում իր ունեցած փորձի վրա, որը նա ձեռք էր բերել երիտասարդ ժամանակ, Փոքր Ասիայում: 1744 թ. սկզբից Լանդրդոկի իշխանություններն, իրոք, քննել են «այն առաջարկները, որ արվել են պ. ընդհանուր վերահսկիչին Հոհաննիս Հայ անվանյալի կողմից՝ Լեանտում բամբակի սերմերը տնկելու մի փորձ կատարելու վերաբերյալ և այն խնդրանքի շուրջ, որ նա ներկայացրել է Կաստրի շրջակայքում մի քանի հողամաս վերցնելու նպատակով, որոնք, ինչպես

1 J. M a t h o r e z. Les Etrangers en France sous l'ancien Regime. T. 1, Paris, E. Champion, 1919, p. 345. Մաթորեզը հակվում է դեպի 1733 թ., նրան է հետևում նաև A. R e m o n d. J o h n H o l k e r (1719-1786). Paris, M. Riviere et C<sup>ie</sup>, 1746, p. 35 n. 18. Դրան հակառակ, դեպի 1739 թ.-ն է հակվում P. M a s s o n. La Provence au XVIIIe s. Paris, Hachette, 1936, p. 136.

2 J. M a t h o r e z. Op. cit., p. 346.

նա է պնդում, հարմար են այդ բույսի մշակութային համար»<sup>3</sup>: Սկզբնական շրջանում կառավարիչ Լը Նենը աջակցում է այս ծրագրին՝ նա գրում է Կաստր, որպեսզի Ժ. Ալթենին մի դաշա տրամադրվի՝ իր փորձերին նվիրվելու համար<sup>4</sup>: Մինչև մարտ ամսվա ավարտը գտնվել է մի փոքր հողամաս և ագարակի վարձակալության մասին մի փաստաթուղթ է ստորագրվել<sup>5</sup>: Սակայն այս վարչական աջակցությունն ունի իր սահմանները. որպեսզի այն շարունակվեր, անհրաժեշտ էր Ֆինանսական օժանգակություն: Հայ դյուղատնտեսը սպառել էր իր բոլոր պաշարները. նրան պետք էր «500-600 լիվրի ավանս՝ գործը կարգի բերելու նպատակով», և հարկավոր էր նրան միջոցներ տրամադրել «Մարսել գնալու վերցնելու համար բամբակի սերմը, որն ինքն այնտեղ էր թողել», ինչպես նա ասել է, գավառի կառավարչին՝ չկարողանալով, սակայն, նրան համոզել: Վերջինս, իրոք, խոստովանում է Ֆինանսների ընդհանուր վերահսկիչին. «Այս խնդրանքն ինձ զարմացրեց, քանի որ նա ինձ առաջարկել էր այդ փորձը կատարել իր հաշվին, և ես չէի կարծում, որ, որքան էլ ես ցանկանայի օժանգակել նրա ձեռնարկման հաջողությունը, կհամարձակվեի նման մի կանխավճար տալ այնպիսի մեկին, որին բոլորովին չեմ ճանաչում, և որը ոչ մի գրավ չի տվել»<sup>6</sup>: Ինչպես շատ արկածախնդիրներ, Ժ. Ալթենը ևս մեկ հմայել է, մեկ անհանգստացրել: Այնուամենայնիվ, թերահավատությունը չի համակել իշխանություններին, որոնք, 1744 թ. վերջին նրան տրամադրել են «300 լիվրի նպաստ՝ որպես փոխհատուցում Կաստրի թեմում բամբակի պլանտացիաներին հատկացված հողերի հողահարկի գիմաց»<sup>7</sup>: Իրականում, չի թվում, թե Ալթենը երկար հետաքրքրված լինի բամբակի մշակութային լանդգրոպիայի իր առաջին փորձով: Մեկ տարուց էլ պակաս ժամանակ անց, լիազորված անձն իրոք բողոքում է կառավարչին նրա թվացյալ անտարբերությունից բամբակի բերքահավաքի նկատմամբ, թեև առաջին թեթև ցրտահարություններն, արգեն իրենց զգացնել էին տալիս Կաստրեում<sup>8</sup>: Ուստի զարմանալի չէ, որ Ալթենը հենց այդ ժամանակ՝ 1745 թ. վերջին կամ հաջորդ տարվա սկզբին, հաստատվում է Մոնպելյեում՝ առանց, այնուամենայնիվ, վերջնականապես հրաժարվելու իր «բամբակային» ծրագրերից:

Հաստատվելով վարչական կենտրոնում, նա իրոք շարունակում է իր փորձերը Սոներիի արվարձանում գտնվող մի այգում՝ համողված, որ այս շրջանին բնորոշ ավելի տաք կլիման և ծովային քամին ավելի նպաստավոր են այդ մշակաբույսի համար: Նա շարունակում էր իրեն ի վիճակի համարել ոչ միայն բամբակ արտագրելու, այլև «ցույց տալու այն մաքրելու, նրանից կտոր գործելու, մի խոսքով այն վաճառելի դարձնելու եղա-

3 Procès-verbal des Etats generaux de la Province de Languedoc, seance du 31 janvier 1744.

4 Montpellier, A. D.. C 2629, Lettre de Cros Lamouzie a l'intendant, Castres, 14 mars 1744.

5 Ibid., Lettre de l'intendant de Languedoc au controleur general, 8 avril 1744.

6 Նույն տեղում:

7 Procès-verbal des Etats generaux de la Province de Languedoc, seance du 30 decembre 1744.

8 Montpellier, A. D.. C 2629. Lettre du subdelegue a l'intendant, Castres, 1er dec. 1745.

նակր»։ Շուտով նա մտադրվում է փորձնական փուլից անցնել արտադրական փուլին։ 1750 թ. վերջին Գիտությունների թագավորական ընկերությունն Մոնպելյեի լիազորներն ընդունում են, որ Սոներիի արվարձանում նրա ցանած 6 ունցիա սերմից աճել է բամբակի 200 բույս։ Հաջորդ տարի ժ. Ալթենն ավելի մեծ ծրագրեր է կազմում և ամռան ընթացքում Լատտում, քաղաքի հարավ-արևելքից մոտ մեկ մղոն հեռավորության վրա, ցանում է 5-ից 6 ֆունտ սերմ, որով նրան ապահովել էր ընկերության առաջին նախագահ Բոնը։ Երբ բամբակի իսկական պլանտացիա ստեղծելու ծրագիրն արդեն իրականացված էր, նա ձգտում է ամրասլնդել ռազմիկայի իր դիրքը այդ բույսի մշակության ասպարեզում։ Շատ չանցած ընդհանուր վերահսկիչից բացառիկ արտոնություն է խնդրում բամբակ տնկելու համար, նաև ֆինանսական օժանդակություն այն բոլոր ծախսերի համար, որ նա, ըստ իրեն, արել էր «ուլթ կամ ինը տարվա» ընթացքում։ Մոնպելյեի Գիտությունների թագավորական ընկերությունը հաստատում է, որ Լատտում հավաքված բամբակը գերազանցում է Մոնպելյեում ստացված բերքին, և որ «այդ սերմը ոչ մի կերպ ենթակա չէ իր որակական հատկանիշները կորցնելուն»։ Խորհրդակցելով ընդհանուր վերահսկիչի հետ, գավառի հողաբարձուները, այնուամենայնիվ, գերծ չեն մնում իրենց վերապահությունն արտահայտելուց։ Վերջինս վերաբերում էր ինչպես ստացվելիք արտադրանքի հաշվարկմանը, այնպես էլ «որևէ պատկերացման բացակայությունը՝ այն մշակաբույսերի հետ կապված ծախսերի վերաբերյալ, որոնք անհրաժեշտ էին եղել սերմ ստանալու, դաշտը նախապատրաստելու և կամ ընթրը հավաքելու համար»։ Ուստի առանց դույզն իսկ ժխտելու «այն առավելությունները, որոնք բխելու էին բամբակ մշակել կարողանալուց, որը մեծ թվով ֆաբրիկաների համար գլխավոր հումքատեսակներից է», երեք հողաբարձուները՝ Մոնֆերիեն, Ժուբերը և Լաֆֆաժը, գտնում են, որ պետք է փորձեր արվեն գավառի այլ վայրերում ևս՝ համոզվելու համար, որ արտադրանքն այդտեղ ևս առատ կլինի։ Հակառակ գեպքում արդեն կատարված փորձերը «ըստ էության կլինեն սոսկ հետաքրքրասիրական մի նախաձեռնություն»<sup>9</sup>։ Նրանք համաձայնվում են խրախուսել ժ. Ալթենին 500 լիվրի մի նպաստով՝ փոխհատուցելու համար նախկինում արված ծախսերը և առաջարկում են նրա համար ապահովել մի նոր նպաստ՝ «նույն փորձը Նիմի հողում կամ Ադդի թեմում շարունակելու պայմանով»։ Տնտեսական լիբերալիզմը մղում է նրանց մերժել Ալթենի պահանջած բացառիկ արտոնությունը, քանի որ «կարող էր նույնիսկ մի տեսակ հակասություն առաջանալ, մի կողմից, բամբակի պլանտացիաները հովանավորելու ցանկություն և, մյուս կողմից, դրանցով զբաղվելու հնարավորությունը և դրանք գործածելու իրավունքը միայն մեկ անձնավորությամբ սահմանափակելու միջև»<sup>10</sup>։ Լանգրդոկի կառավարիչը համամիտ էր հողաբարձուների վերլուծությունների և եզրակացությունների հետ՝ ժ. Ալթենը պետք է բազմապատկի իր փորձերը<sup>11</sup>։ Ի վերջո, հաջորդ ամսին՝ 1752 թ. փետրվա-

9 Montpellier, A. D., C 5397, Lettre des syndics generaux de la province a l'intendant, Montpellier, 12 janvier 1752.

10 Նույն տեղում։

11 Ibid., Lettre du 28 janvier 1752 de l'intendant au controleur general.

րին, Արդարադատության մինիստրությունը 500 լիվրի նպաստ է հատկացնում ժ. Ալթենին՝ Լևանտի երկրների համար նախատեսված հատկացումների ֆոնդից<sup>12</sup>։ Չնայած այս օգնությանը, չի երևում, որ փորձերը երկարաձգված կամ շատ բազմապատկված լինեն։ 1753 թ. ամռան վերջին, Թաղավորական ընկերության հանձնաժողովը շարադրում է մի նոր գեկուլյց, հավանաբար վերջինը, Լատտի բամբակի պլանտացիաների վերաբերյալ։ Առաջին փորձերն արթնացրել էին լուսավորյալ դյուղատնտեսների և բուսաբանների հետաքրքրությունը։ Սակայն հաջորդ փորձերը, տարիների ընթացքում, չէին կարողացել համողել վարչարարներին նրանում, թե դրանք իրենցից տնտեսական հետաքրքրություն են ներկայացնում։ Թեև, մեկնարկելիս, ժ. Ալթենը ջանք չէր խնայել՝ լավագույնս օգտագործելու համար այն բոլոր հաղթաթղթերը, որ կային իր տրամադրության տակ։

Անկասկած, նա հույս էր դրել նախ և առաջ իր հայրենակիցների համերաշխության զգացումի վրա՝ Մարսելում և Փարիզում, գեպի ուր իր կատարած առաջին այցելությունների ժամանակ, օրինակ, նա իջևանել էր նրանցից մեկի՝ Շամմաս անունով մի անձնավորության տանը, որը ոսկերիչ էր Թաղավորական Պալատում (Պալե-Ռուայալ)<sup>13</sup>։ Նա շատ շուտ էր կարողացել իր երազանքներին հազորգակից գարձնել մի քանի մինիստրների, որոնց թվում էին Օրրին, ինչպես նաև Տրյուգենը, որը, 1752 թ. սկզբին, նրա համար բերել տվեց 58 ֆունտ բամբակի սերմ<sup>14</sup>։ Այս հզոր հեռարանների շնորհիվ նա ընդունելություն դտավ Լանդրգոկում՝ կառավարչի և պետական ընդհանուր հոգաբարձուների մոտ։ Սակայն նա չէր ղլանում թափանցել նաև նվազ հեղինակավոր, բայց իր համար օգտակար օղակները, որպիսիք էին նախալեռնային քաղաքացիական թեմերի փոքրիկ վարչական կենտրոնների աղնավականները, որոնցից էր կառավարչի լիազորված անձը Կաստրում, ինչպես և Ս. Պոնսի թեմի հարկահավաք Ար. Պրագալը, որին նա, մի քանի տարի անց, հանձնում է Դյուհամել դյու Մոնտոյի «Ուսումնասիրություն տորոնի մասին» երկը<sup>15</sup>։ Թե՛ առաջինների, թե՛ մյուսների մոտ նա կարողացել է ի նպաստ իրեն ծառայեցնել իր ժամանակին հատուկ կրքերը և նորությունները, իր ծագման էկզոտիկությունը, դյուղատնտեսությունը՝ իր փորձերի միջոցով, և տնտեսագիտությունը՝ շահույթի իր ներշնչած հույսերի միջոցով։ Սակայն իր ժամանակակիցների ունեցած սպասելիքների նրա սուր դժգոհությունը չի բավականացրել համընդհանուր ճանաչման հասնելու համար։ Ոչինչ չի կարող հակադրվել կլիմայական պայմաններին։ Կառավարիչ Սեն-Պրիեստը շատ շուտ էր գի-

12 Ibid., Lettre du 16 février 1752 de l'intendant a M. de Joubert, syndic general de la province.

13 J. M a t h o r e z. Op. cit., p. 336.

14 Montpellier, A. D., C 5397, Lettre de l'inspecteur du commerce a l'intendant du Languedoc, Marseille, 19 janvier 1752.

15 H. L. D u h a m e l d u M o n c e a u. Memoires sur la garance et sa culture... Paris, Impr. royale, 1754. In 4°, IV-80 p. *Խոսքը վերաբերում է Անդրե Պրագալին՝ Պիեռ-Ժան-Ժոզեֆ-Անդրե Պրագալին (1742-1824), որը նույնպես Սեն-Պոնսի թեմի հարկահավաքն էր։ Վերջինիս մասին տե՛ս H. M i c h e l. "Herault", in Grands Notables du Premier Empire, ss. dir. de L. Bergeron et de G. Chaussinand-Nogaret, t. 3, Paris, C.N.R.S., 1980, p. 151.*

տակցել այգ: Նա պարզ արտահայտել է այդ ավելի ուշ իր հորը դրած մի նամակում, նույնիսկ եթե նրա բացատրական վարկածներից որևէ մեկը սխալ է: «Պետք է եղրակացնել, որ կամ անհրաժեշտ ջերմության քանակը Լանգրդոկում բավարար չէ, կամ էլ լճակների տարածվածությունն ու ծովի հարևանությունը սառեցնում են շրջակայքի օդը և վնասում այգ բույսի աճին»<sup>16</sup>:

«Բամբակյա» երազանքի ձախողումը Ժ. Ալթենին ետ չի պահում գյուղատնտեսական և տնտեսական այլ ծրագրերից: Բամբակից նա անցնում է տորոնին և, ինչպես ինքն է խոստովանում, 1772-ին հասնում է Հալոդություն: «Պ. Ալթենը... Ֆրանսիայում հաստատվել է մոտ 30 տարի առաջ, և նույն այդ ժամանակվանից սկսած նա շարունակ ջանացել է տեղեկացնել իր գիտելիքների մասին՝ Լևանտի երկրների (ուր նա անց է կացրել իր կյանքի մի նշանակալի մասը) արտադրանքների և արհեստների վերաբերյալ: Բամբակի մշակություն, այդ արտադրանքի մանուկ և դգում, արջասպ և, վերջապես, տորոն՝ նա հաջող փորձեր է արել այս բոլոր ուղղություններով... սակայն, միջոցների պակասի պատճառով, նրա բոլոր փորձերը անօգուտ են եղել ինչպես հենց իր, այնպես էլ այն գավառների համար, ուր նա կատարել է դրանք, և նրա աշխատանքները բացարձակապես անպտուղ են մնացել, բացառությամբ տորոնի հետ կապվածների, որը ամենաօգտակար բույսերից մեկն է ներկարարների համար»<sup>17</sup>: Արդյունքը գարմանալի չէ, քանի որ այս մշակաբույսի համար պայմանները Ֆրանսիայում ավելի բարենպաստ են, քան բամբակի արտադրության համար: Կլիմայական «տրամադրություն» վայրիվերումները և հողերի բնությունը բամբակամշակությունը ենթարկում են բացառապես ձախողվելու ռիսկին: Օժանդակությունը, որ նրան ցույց էր տալիս միապետական իշխանությունը, այդ ժամանակ հիմնվում էր մի օրենսդրության վրա, որը, Պետակտն ինդրհրդի 1756 թ. փետրվարի 24-ի որոշման ընդունումից հետո, հարկերից ազատում էր ճահիճներում և չորացված հողերում բամբակ մշակողներին: Բացի այդ, Ժ. Ալթենը անձամբ կապ է հաստատել ներկարարների և մանուֆակտուրների հետ՝ լավ ծանոթանալու համար նրանց տեխնիկային և կարիքներին, Մոնպելիեում խոշորագույն ներկարարներից մեկի՝ Սենար-Պասկիեի հետ, և հատկապես Սեն-Շամոնի թագավորական մանուֆակտուրայի տնօրենի՝ Ժան-Կլոդ Ֆլաշայի հետ<sup>18</sup>: Լևանտի երկրներում նախ և առաջ Կոստանդնուպոլսում, մոտ 1740 թ. որսյես Լիոնի վաճառականների հյուպատոս, այնուհետև Զմյուռոնիայում 1755 թ. ապրելուց հետո վերջինս վերադառնում է իր հայրենի քաղաքը՝ Սեն-Շամոն, իր հետ բերելով փոքրասիացի բանվորներ, և Ժ. Ալթենին ընդունում իր ձեռնարկությունը: Հաստատվելով Ավինյոնի կոմսությունում, ծագումով լևանտացի շարունակում է կասկ պահպանել հոգով լևանտացու հետ, որը իր «Ուսումնասիրությունները տորոնի մասին»-ում հիշատակում է Ֆրանսիայում այդ կուլտու-

16 Ibid., Lettre de L'intendant Saint-Priest a son pere, 22 mars (?) 1762 (?).

17 J. A l e n. Memoire sur la culture de la garance. Paris, Imprimerie royale. 1772. In-4°, 18 p., cf. m. 1 et 2.

18 Սենար-Պասկիե ընտանիքի մասին տե՛ս X. A z é m a. "Une famille de marchandsteinturiers aux XVIIe et XVIIIe siecles: Les Senard-Pasquier", Bull. hist. De la Ville de Montpellier. 1986. p. 3-9.

րայի մշակութային հաջողվելու միայն մեկ օրինակ, որն էլ հենց «ժան Ալթենինն է՝ ազգությամբ լեանտացի, որը, իմ Ֆարրիկաներից դուրս գալով, հեռացել է Ավինյոն, պ. դր Կոմոնի մոտ»։ Նրա սլանտացիաները, ավելացնում է նա, «այնպիսի մեծ հաջողություն ունեցան, որ ներկայումս տորոն են մատակարարում զանազան Ֆարրիկաների և հատկապես Օրանժի բամբակյա գործվածքների Ֆարրիկային»<sup>19</sup>։ Ժ. Ալթենն իր «տորոնային» ձեռնարկումներում, էլ՝ ավելի շատ, քան «բամբակային» փորձերի ընթացքում, կարողացել է ապավինել այնպիսի լուսավորյալ ազնվականների օգնությանը, ինչպիսիք էին մարկիզ դը Սեյտր դը Կոմոնը՝ Ավինյոնի կոմսությունում, և մարկիզ գը Կլոդոնետր Ֆուլքոնը՝ Ստորին Լանգրոկում<sup>20</sup>։ Այսպես, իր մահից (որը հանկարծակի վրա հասավ 1774-ին) երկու տարի առաջ նա հպարտությամբ կարող էր կազմել այն ներկատների ցուցակը, որոնք դտնվում էին իր վերահսկողության տակ ոչ միայն Ավինյոնի կոմսությունում՝ Իսլ-սյուր-Սորդում, Կարպանտրայում, Մոնտոյոյում և Անտրեգում, այլև Պրովանսում՝ Աուլում և Տուլոնում, ինչպես նաև Լանդրդոկում՝ Ֆուլքոնում<sup>21</sup>։

Հայկական սփյուռքը, այսպիսով, անծանոթ չի եղել Լանգրոկին նախքան Ֆրանսիական հեղափոխությունը։ Կրոնական պատճառները, միահյուսվելով տնտեսական շահերին, նպաստել են նրան, որ այստեղ հայեր են հայտնվել։ Սակայն նրանց ներկայությունն այստեղ կրել է անկանոն և սահմանափակ բնույթ, թեև այն մեծարանքը, որին արժանացել է Ժ. Ալթենը, մոռացնել է տվել այդ<sup>22</sup>։ Դա ամենևին էլ զարմանալի չէ։ Հայերն այդ ժամանակ չափազանց փոքրաթիվ էին, որպեսզի լավ ներկայացված լինեին թաղավորության բոլոր գավառներում։ Պրովանսի քաղաքներից նրանք կարող էին մեծ թիվ կազմել Մարսելում, որի կապերը Լեանտի երկրների հետ ամրապնդվում էին XVII դ. վերջից սկսած։ Այստեղ նրանց մրցակցությունը լուրջ էր։ Լանգրոկում, ընդհակառակն, հայերը գիտեին, որ այն շատ ավելի փոքր էր լինելու։ Չնայած Սեթի նավահանգստի ստեղծմանը և, Կոլբերի օրոք, Երկու ծովերի ջրանցքի փորմանը, կյանքն այստեղ շարունակում էր գլխավորապես մայրցամաքային մնալ։ Ասկայն

19 J.-C. I. F l a c h a t. Memoire sur la garance. Lyon, Les fr. Perisse, 1772. In-8°, 38 p., cf. p. 27. *Նա նաև հեղինակն է հետևյալ հետաքրքիր երկի՝ Observations sur le commerce et sur les arts d'une partie de l'Europe, de l'Asie, de l'Afrique, et...des Indes orientales.* Lyon, Jacquenod, 1766, 2 vol. In-12°. *Ֆրանսիայում տորոնի մշակութային այլ փորձերի մասին XVIII դ. տե՛ս* A.-J. B o u r d e. *Agronomie et agronomes en France au XVIIIe s. T. 2.* Paris. S.E.V.P.E.N., 1962, p. 649 sq.

20 Մարկիզ դը Կլոդոնետր եղել է Ֆրանսիայի մինիստր՝ Վուրտեբերգի դուքսի մոտ և Շվարենի ավագանում։

21 J. A l t h e n. Op. cit., p. 2 sq.

22 «Տորոնը (Rubia tinctorum) եվրոպա է ներմուծվել մի հայի՝ Հովհաննես Ալթոնյանի (ժան Ալթեն) կողմից, որի պատվին հուշարձան է կանգնեցվել Վոկլյուզի շրջանում (Ֆրանսիա) և որի անունով այս բույսը կոչվել է Althenie ֆրանսիացի բուսաբան Պետիտ կողմից»։ S h u s h a n i k K h a c h i k i a n. *Typology of the Trading Companies owned by the Merchants of New Julfa, Iran and Caucasus. Vol. II, Research Papers from the Caucasian Centre for Iranian Studies.* Tehran, 1999, p. I. Հովհ. Արթինյան. *Նոր ջուղայեցի հայերուն առևտուրը ժէ դարուն.* - «Անահիտ», Փարիզ, 1908, № 1-4, էջ 31-36. Ծանոթ. Ե. Խաչիկյանի։

չարունակում էր ապրել հիշողութիւններ միջերկրածովյան Արևելքի հետ այս գալաուի ունեցած երբեմնի կասկերի մասին<sup>23</sup>: Տարեգրութիւնները հեղինակները, պատմաբանները և դրողները, շարունակում էին պահպանել այն: Այդպիսին էր, օրինակ, կանոնիկոս Պիեռ Գարիելը, որն իր «Գաղափար Մոնպելյե քաղաքի մասին» երկում հիշեցնում է, ոչ առանց խորին կարոտաբաղձութեան, այն ժամանակի մասին, երբ «մեր նավահանգիստները և մեր արտոնութիւնների փառքը... մեզ հնարավորութիւն էր տալիս առատորեն ունենալ այն բոլոր լավ բաները, որ անհրաժեշտ են կյանքի համար»<sup>24</sup>: Քաղաքային զվարճութիւնները հաճախ են նպաստում մոռացման դեմ ուղղված այս պայքարին: Մոնպելյեում, XVIII դ. սկզբին, դրան իրենց ուրույն մասնակցութիւնն են բերում Աղեղնախաղի ազնվականական ընկերութեան անգամները: Ամեն տարի նրանք շրջում են քաղաքով՝ «բոլորը երկու-երկու...», յուրաքանչյուրն իր կողքին ունենալով մի սպասավոր: Այդ սպասավորներից մեկը հաղնված էր որպես լեհ, մյուսը՝ որպես մավր, որպես ենիչերի, որպես թուրք և որպես հայ, մի խոսքով՝ բոլորն էլ չափազանց արտասովոր և մաքուր...»<sup>25</sup>: Հայաստանը, նոր ժամանակաշրջանում ավելի քիչ ներկայացված լինելով Լանդերդոկի տնտեսական կյանքում, քան այդ եղել է միջնադարում, դրա փոխարեն իրական տեղ է գրավել Լանդերդոկոս երևակայութեան մեջ:

#### АРМЯНИН ЖАН АЛТЕН — ИНИЦИАТОР ВНЕДРЕНИЯ КУЛЬТУРЫ ХЛОПКА И МАРЕНЬ В О ФРАНЦИИ

АНРИ МИШЕЛЬ (Монпелье)

#### Р е з ю м е

Статья французского исследователя А. Мишеля посвящена жизни и деятельности Жана Алтена (Ованеса Алтуняна, 1709 — 1774 гг.) — неумолимого энтузиаста, экспериментатора и новатора в области сельского хозяйства во Франции в XVIII в. Уроженец Армении, где он был взят в плен турками или персами, Жан Алтен был затем вызволен из плена при помощи доминиканских монахов и прибыл во Францию на французском корабле в 1733 или 1739 г. Обосновавшись на юге Франции (в Лангедоке), он попытался внедрить выра-

23 *Մոնպելյեի մասին տե՛ս* A. G. G e r m a i n. Histoire du commerce de Montpellier.... Montpellier, J. Martel, 1851. 3 vol. in 8°. W. H e y d. Histoire du commerce du Levant au Moyen-Age. T. I, Leipzig, 1885, p. 88. *Ժան Բոմելը բազմիցս նշում է այդ կասկերի մասին* t. I. p. 84-86. t. 3, p. 204-267. J e a n B a u m e l. Histoire d'une seigneurie du Midi de la France. Montpellier, T. I, 1969, p. 84-86 և T. 3, 1973, p. 264-267.

24 P. G a r i e l. Idée de la ville de Montpellier, recherchee et presentee aux honnestes gens.... Montpellier, D. Pech, 1665.

25 J.-F r. D u c h e d e V a n c y. Lettres inedites...., Paris, 1830. p. 221, 1701 թ. *Մարտի 2-ի նամակը: Այս ընկերութեան մասին տե՛ս* F. T r o b a t. ...Le Noble Jeu de l'Arc a Montpellier (1411-1729). Montpellier, 1897, In-4°, 135 p.

щивание таких ценных сельскохозяйственных культур, как хлопок и марена. Многолетние попытки по выращиванию хлопка не увенчались особым успехом из-за несоответствия климатических условий, однако марена прижилась великолепно, способствуя процветанию сельского хозяйства и мануфактурного производства южных областей Франции. Французский ботаник Пети назвал марену Althépie (по имени Жана Алтена). Благодарные жители области Воклюз во Франции воздвигли Ж. Алтену памятник, который стоит по сей день.